



Tumi le ditakatso tse tharo

E ngotswe ke Mabel Mnensa | Ditshwantsho ka Julie Smith-Belton

Ntate o sadisa Tumi hantle. “O itshware hantle kajeno. O se ke wa kena ka phaposing ya ka. O se ke wa bua le Phathu wa Papakgae.”

“Dumela,” ho rialo Tumi.

Phathu wa Papakgae a se ke a re letho.

Ke eng ela e ka hokong ya Phathu? Phala e tletseng lerole!

Tumi a e hlakola ya hlweka mme a e letsa.

“Dumela, wena ya matla,” ha rialo Phathu wa Papakgae,

“Ditakatso tsa hao tse tharo ke tla di phethahatsa.”



“Ke lakatsa eka ...

Nka be ke ena le dipompong
tsohle tse lefatsheng.”

PHUF!

Mala a Tumi a bohloko. O jele dipompong tse ngata.

“Tumi! Ha ke kgone ho kena, lemati le hana ho
buleha.” Ntate o fihlile. “Na o ile wa bua le Phathu
wa Papakgae, Tumi?”

Tumi o tshohile.



“Ke lakatsa eka ...

dipompong tsena tsohle
di ka tloha mona.”

PHUF!

Ntate ha a thaba. “Ha o mamele. O thibane jwaloka yena feela. Ho dula ho ena le maqheka ka papakgae ena.”



Ha a ntse a robotse betheng ya hae bosiuung boo, Tumi a nahana, “Takatso ya ka ya ho qetela e lokela ho ba e ntle.”

“Ke lakatsa eka ...

PHUF!



“Tumi!” Ntate a sheba ka ntle ho fenstere. O bona lewatle feela hohle. “O entse eng?”

Phathu wa Papakgae a tsheha “Tumi o ile a lakatsa eka o ka ba le dimilione tsa diranta e le hore o tle o be le ntlo e kgolo e ntle mme a be le phaposi ya hae ya ho robala. Empa ha a ka a bua hore o e batla hokae!”

Tumi le ditakatso tse tharo

E ngotswe ke Mabel Mnensa • Ditshwantsho ka Julie Smith-Belton

Mehopolo eo le ka buang ka yona

Ke ditakatso dife tse tharo tseo o lakatsang ho di etsa?

Ke thuto efe eo o nahanang hore Tumi e ka nna yaba o ithutile yona kamora takatso ya hae ya boraro? Ditakatso ke eng? Re theha kapa ho etsa ditakatso jwang? Ke eng kapa ke mang ya fanang ka ditakatso tsa rona?



Setshwantsho

Taka setshwantsho sa ditakatso tse tharo tseo o ka di kopang ho Phathu.



Ho bala

Shebisisa mantswe le setshwantsho se leqepheng la ho qetela.

- ★ Takatso ya boraro ya Tumi e ne e le efe?
- ★ Sebedisa setshwantsho ho sebetsa dintlha tsa seo Phathu a entseng qeto ya ho se fa Tumi.
- ★ O nahana hore e ka nna yaba Tumi o ikutlwile jwang ha a sheba kantle ka fenstere?
- ★ O nahana hore ho tloha moo o entseng?



Ho ngola

Taka setshwantsho sa Tumi le Phathu ka pudulana ya monahano bakeng sa monahano ka mong. Pudulaneng ya monahano wa Tumi ngola takatso ya hae ya boraro, e qalang ka mantswe ana: Ke lakatsa ... Pudulaneng ya monahano wa Phathu, ngola seo a se fileng Tumi, se qalang ka mantswe ana: Ke nahana hore ke tla fa Tumi ...



Mosebetsi wa matsoho

Sebedisa rolo ya khateboto ya pampiri ya ntlwana mmoho kapa rolo ya thaole ya pampiri le pente, dikhokhi pene, tlelu, masiba, thishu ya mmala kapa pampiri ya crêpe ho etsa papakgaeye ya hao ya mejike. Reha papakgaeye ya hao lebitso.



Tshebetso

Pheta pale ena o le sebakadi sa sehlooho. Hape, nkela sebaka sa ditakatso tsa Tumi ka ditakatso tse tharo tseo e leng tsa hao.

